



**Claudii Fleurii Abbatis Historia Ecclesiastica**

Ab anno Christi 1541. usque ad annum 1546

**Fleury, Claude**

**August. Vind. [u.a.], 1770**

**VD18 90118510**

§. 51. Granvellani responsum ad Landgravii literas.

---

[urn:nbn:de:hbz:466:1-66615](https://nbn-resolver.de/urn/resolver.pl?urn=urn:nbn:de:hbz:466:1-66615)

etiam hostes bonam operam navaverimus : Sæcul. XVI.  
 verum tamen, inquiebat Landgravius, hæc A.C. 1546.  
 tibi volui familiariter explicare, quæ crebris  
 literis atque nuntiis ad me Sociosque perse-  
 runtur: potest enim fieri, ut ad Cæsarem  
 de me, Sociisque consimilia dicantur a male-  
 volis, quæ caussam diffidentiae motumque su-  
 scitent, & utrisque sumptum augeant: non  
 dubito autem, quin mihi sis ad ea responsu-  
 rus, & quia pacis Consiliarius adhuc qui-  
 dem fuisli, oro, ut deinceps quoque Cæsa-  
 rem eo fledas.

## §. LI.

*Granvellani responsum ad Landgra-  
vii literas.*

Ad hæc Granvellanus die septima Fe-  
 bruario Landgravio hanc in senten-  
 tiā respondit: Cæsar neque padum ul-  
 lum habet cum Pontifice, neque militem con-  
 scribit, nec ulli Duci pecuniam numeravit:  
 quamquam si manum aliquam militum coe-  
 gisset, non id cuiquam deberet videri mirum  
 in hoc tempore, tanquam dubio rerum statu,  
 quando vicini circum Reges atque Principes  
 copias conscribunt: quis enim hoc in illo re-  
 prehendat, si det operam, ne quid Provin-  
 ciæ suæ detrimenti accipiant? miror vero,  
 tam impudentes homines reperiri, qui talia de  
 Cæsare spargant, cujus animus quam sit  
 pugnis & otii cupidus, nemini non perspectum

Ff 5

esse

**Sæcul. XVI** esse potest: scio adeo, quantopere semper  
A.C. 1546. elaboraverit, ut firma pace frueretur Germania: hoc etiam nunc ipsius est voluntatis atque propositi, eaque de causa Colloquium Ratisbonæ instituit: illud de decem milibus peditum, quos Ratisbonam sit adducurus ad Comitia, nimis est vanum: quamquam si faceret, neque exemplo careret, quod Augustam Vindelicorum olim ita venerit, ne etiam caret ratione, quando quidem ad ipsum varia de rebus atque statu Germanie nuntientur, sed est falsus rumor: jam enim Cæsar se paravit ad iter in Germaniam, & minimo cum comitatu proficiscitur, quod existimet, animum suum perspectum esse omnibus, & fore, ut nemo caussam ipsi det, cur secus faciat: Archiepiscopus Coloniensis ipius est testis, quam benigne Cæsar & clementer egerit, quam amanter ipsum in viam revocarit: licet enim graviter sit accusatus, nihil tamen Cæsar in ipsum statuit, quantum quidem salva licuit existimatione: nuper etiam per Navium admonuit, ut desistat, & Ratisbonensem Comitorum Decretum expectet: nam certe nec æquum est illius institutum, neque Cæsarem decet, ut hæc inferat, de quibus ipsum humanissime jam commonefecit: ipse quidem universæ reipublicæ, sed in primis Germaniæ salva & prospera omnia precatur.

Hisce

Sæc. XVI.  
A.C. 1546.

Hisce literis Landgravius fidem attribuit, hosque rumores de bellico Cæsar's apparatu mere inanes fuisse credit, quamvis plurimis ex locis identidem ejusmodi fama ad ejus aures pervenisset, non sine veritatis specie; quippe Cæsar reapse eo unice intentus erat, ut Protestantes tranquillitatis fiducia falleret, ampliusque temporis spatium nancisceretur, intra quod cuncta disponeret, quæ ad eos armis in obsequium revocandos necessaria censeret (\*).

### §. LII.

#### *Theologorum colloquium Ratisbonæ habitum.*

Quamvis Germaniæ res ad bellum spe- Sleidan. l. 1.  
ctare viderentur, nihilominus Im- p. 555.  
perator colloquium, quod Decreto in  
nuperis Wormatiensibus Comitiis edito  
sanxerat, sollicite urgere haud desstitut, 1546. p. 313.  
hancque in rem Ratisbonæ ablegavit  
qua-

(\*) Perperam Continuator Sleidani, quem totum descripsit, verbis de suo addidit, quod Carolus prior arma in Protestantes convertere molitus sit, cum tamen ipsus lib. CXXXII. §. 87. p. 569. recenseat, quod Protestantes jam ante septendecim annos contra Cæsarem Smalcaldiæ bellum adornarint.